



03 APR, 2021

KAYA... RM800 SEKILOGRAM DI CHINA

Kosmo, Malaysia



KEGILAAN TANAM MUSANG KING

Laporan Khas

**Harga raja buah
di China RM800
sekilo, hasil sebatang
pokok lebih
RM21,000 semusim**

» LAPORAN PENUH DI MUKA 4&5



ISI durian
Musang King
berwarna kuning
pekat, tebal,
berbiji kecil
dan rasa lemak
manis.



03 APR, 2021

KAYA... RM800 SEKILOGRAM DI CHINA

Kosmo, Malaysia



Page 2 of 4

Kegilaan tanam durian Musang King

KAYA... RM800 SEKILOGRAM DI CHINA

Laporan Khas

Oleh ABDUL RASHID
ABDUL RAHMAN

RAUB - Harga durian Musang King Malaysia di pasaran China yang mencecah RM800 sekilogram antara faktor yang mendorong pelbagai pihak termasuk orang luar 'berlumba-lumba' mahu mengusahakan tanaman raja buah itu di daerah ini.

Secara puratanya, hasil jualan raja buah itu bagi sebatang pokok Musang King melebihi RM21,000 semusim, malah pokok matang yang berusia lebih 10 tahun pula mampu menjana jualan mencecah RM100,000 semusim.

Pokok durian Musing King kebiasaannya berbuah dua kali setahun pada Februari hingga Mac dan Julai hingga Ogos setiap tahun.

Keuntungan lumayan itu menyebabkan penanaman Musang King di Raub terus diusahakan pelbagai pihak termasuk mereka yang sanggup meninggalkan kerjaya makan gaji.

Berdasarkan tinjauan Kosmo! di sekitar Raub baru-baru ini, rata-rata kawasan pertanian termasuk di puncak bukit

dipenuhi pokok durian, malah terdapat banyak kawasan baharu yang dahulunya ditanam dengan pokok sawit dan getah ditukar kepada penanaman durian Musang King.

Penolong Pegawai Pertanian Raub, Badrulhisham Mohamad berkata, ketika kini terdapat lebih 600,000 pokok durian pelbagai jenis seperti Musang King, Duri Hitam dan D24 ditanam di kawasan tanah seluas 9,826 hektar di daerah ini.

"Tahun lalu sahaja, jumlah pengeluaran durian yang direkodkan di daerah ini adalah sebanyak 81,996 metrik tan dengan hasil jualan RM1.493 bilion.

"Anggaran ekspor pada tahun lalu pula sebanyak 2,040 metrik ton melibatkan negara seperti China, Thailand, Indonesia, Taiwan, Amerika Syarikat dan Hong Kong," katanya kepada *Kosmo!*.

Menurut Badrulhisham, permintaan durian Musang King terus meningkat walaupun harga pasaran durian itu mencah RM800 sekilogram di China. Ketika ini harga durian Musang King di pasaran tempatan sekitar RM30 hingga RM60 sekilogram mengikut gred.

Katanya, berat sebiji durian Musang King boleh mencecah lima kilogram yang dikategori-





03 APR, 2021

KAYA... RM800 SEKILOGRAM DI CHINA

Kosmo, Malaysia





kan sebagai buah gred AAA. Bagaimanapun, beliau berkata, durian itu yang memerlukan penjagaan lebih rapi dan kebiasaannya mula menghasilkan buah selepas pokok mencecah umur lima tahun.

"Bagi pokok durian yang matang, ia mampu menghasilkan buah sehingga 300 biji dalam semusim.

"Biasanya satu hektar ditanam dengan 70 batang pokok dan secara purata hasil jualan daripada sebatang pokok melebihi RM21,000," ujarnya.

Badrulhisham berkata, durian memerlukan tanah yang dalam, subur dan gembur kerana tanah-tanah tersebut mempunyai pengudaraan serta struktur yang baik untuk pertumbuhan akar.

Katanya, tanah jenis lom hingga lom berpasir yang banyak terdapat di lereng-lereng bukit adalah paling sesuai bagi penanaman durian.

Sementara itu, menurut sum-



PENIAGA Musang King di sekitar Karak, Bentong turut mendapatkan bekalan durian Musang King dari Raub.

ber, setiap kali musim durian Musang King, pekebun-pekebun kecil boleh meraih pendapatan sehingga RM20,000 sehari, malah ada yang mencapai ratusan ribu ringgit.

"Bagi tauke-tauke besar pula, sekali mereka memasukkan duit di dalam bank selepas menjual hasil durian adalah ratusan ribu ringgit dan ada mencecah RM800,000," ujarnya.

Menurutnya, hasil keuntungan yang lumayan itu menyebabkan ramai pihak luar datang untuk mencari tanah dan melabur dalam penanaman durian di Raub.

Berdasarkan laman web Jabatan Pertanian, mana-mana pihak yang ingin mengeksport durian sejuk beku ke China perlu mendapatkan Sijil Fitosanitasi daripada pihaknya.

Antara syarat adalah mereka perlu mendapatkan buah durian dari ladang yang memperoleh perakuan Amalan Per-



Musang King

- Benih daripada klon D197
- Pohon induk berasal dari Pulau Raya iaitu sebuah pulau di tengah Sungai Kelantan berdekatan dengan Tanah Merah
- Didaftarkan dengan nama Raja Kunyit D197 pada tahun 1993
- Pohon tumbuh di daratan rendah hingga ketinggian 1,000 meter dari aras laut
- Sesuai ditanam di kawasan beriklim lembab
- Anak pokok durian Musang King dijual pada harga RM30 hingga RM60 sepokok
- Isi berwarna kuning pekat, tebal, tekstur halus, rasa lemak manis dan berbiji kecil
- Daun berbentuk oblong dengan permukaan atas daun berwarna hijau dan daun bawah keperangan





03 APR, 2021

KAYA... RM800 SEKILOGRAM DI CHINA

Kosmo, Malaysia



SUMMARIES

KEGILAAN TANAM MUSAN KING

Laporan Khas Harga raja buah di China RM800 sekilo, hasil sebatang pokok lebih RM21,000 semusim » LAPORAN PENUH DI MUKA 4&5

Kegilaan tanam durian Musang King

Laporan Khas

RAUB - Harga durian Musang King Malaysia di pasaran China yang mencecah RM800 sekilogram antara faktor yang mendorong pelbagai pihak termasuk orang luar 'berlumbalumba' mahu mengusahakan tanaman raja buah itu di daerah ini.